

EKONOMI MALAY\$IA

TOHMAHAN DAN KEBENARAN

MUSTAPA MOHAMED



EKONOMI MALAY\$IA

**TOHMAHAN
DAN
KEBENARAN**



EKONOMI MALAY\$IA

**TOHMAHAN
DAN
KEBENARAN**

MUSTAPA MOHAMED



MEDIA INDAH SDN BHD.

PUSTAKA PERDANA



1001421



PERDANA
LEADERSHIP
FOUNDATION
YAYASAN
KEPIMPINAN
PERDANA

ISBN 967-9915-05-0

Harga: \$5.00

Cetakan pertama 1990

c Hakcipta Mustapa Mohamed, 1990

Hakcipta terpelihara. Tidak dibenarkan mengeluarkan ulang mana-mana bahagian artikel/ilustrasi/isi kandungan buku ini dalam apa juga bentuk dan dengan apa cara pun sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Pengarah Urusan Media Indah Sdn. Bhd.

Direkabentuk: Media Indah Sdn Bhd

Muka Taip Teks: Palatino

Saiz Taip Tek: 12/14

Penerbit:

Media Indah Sdn Bhd

72A, Jalan Burhanuddin Helmi

Taman Tun Dr. Ismail

60000 Kuala Lumpur.

Tel: 03-7177701/ 7177702

Pencetak:

Turbo Printer Sdn Bhd

Petaling Jaya.



PERDANA
LEADERSHIP
FOUNDATION
YAYASAN
KEPIMPINAN
PERDANA

DAFTAR ISI

Prakata	7
Mukadimah	8
Hutang Luar Negara	12
Ringgit Dan Dolar Singapura	26
Industri Berat	43
Jambatan Pulau Pinang	53
Sistem Keutamaan Am (GSP)	61
Penutup	71

PRAKATA

PELBAGAI tuduhan telah dilemparkan terhadap pucuk pimpinan negara sejak tahun 1987. Banyak daripada tuduhan-tuduhan ini adalah mengenai isu-isu ekonomi. Buku ini menganalisis secara rasional dan objektif beberapa isu yang dibangkitkan supaya rakyat tidak dipengaruhi oleh dakyah yang disebarkan oleh pihak-pihak tertentu yang mementingkan diri sendiri serta menafikan kenyataan mengenai pemulihan ekonomi yang pesat, yang sedang dialami sekarang.

Saya ingin mengucapkan berbanyak terima kasih kepada beberapa orang rakan yang menyemak buku ini serta memberi sumbangan dan pandangan. Ucapan terima kasih khas kepada Hashim Makaruddin yang banyak membantu.

Kuala Lumpur
30 Ogos 1990

M.M.

MUKADIMAH

NEGARA di bawah pimpinan YAB Dato' Seri Dr. Mahathir Mohamed telah menghadapi pelbagai cabaran. Cabaran paling getir termasuklah di bidang ekonomi dan politik. Kemelesetan ekonomi yang melanda negara pada tahun 1985 dan 1986 adalah yang paling teruk pernah dialami. Cabaran yang kuat terhadap Dato' Seri Dr. Mahathir sebagai pemimpin UMNO juga belum pernah dialami oleh Presiden-Presiden UMNO sebelumnya.

Ketika perebutan jawatan dalam parti, banyak isu telah dibangkitkan. Ini termasuklah kejatuhan nilai ringgit, hutang luar negara, prestasi syarikat milik Kerajaan dan Jambatan Pulau Pinang. Pencabar-pencabar ini mendakwa masalah ekonomi yang dihadapi oleh negara disebabkan oleh Dato' Seri Dr. Mahathir. Yang anehnya apabila ekonomi pulih dengan pesat, mereka tidak langsung memberi kredit kepada Dr. Mahathir. Bagi mereka yang boleh berfikir

secara rasional, adalah jelas kumpulan ini sengaja membangkitkan isu-isu ini untuk kepentingan politik peribadi.

Kejayaan pucuk pimpinan memulihkan ekonomi adalah hasil daripada pengurusan yang cekap, perancangan yang teliti dan pelaksanaan dasar-dasar yang tegas dan berani. Pada hari ini, hasilnya telah dapat dilihat dengan jelas. Ekonomi Malaysia bukan sahaja telah pulih, tetapi mengalami pertumbuhan yang amat menggalakkan. Daripada kadar pertumbuhan - 1% pada tahun 1985, Kerajaan telah berjaya memulih dan meningkatkannya kepada sebanyak 8.7% pada tahun 1988, iaitu satu pencapaian yang paling tinggi dalam satu dekad. Pertumbuhan pada tahun lalu sebanyak 8.5% juga membanggakan. Pada tahun ini kadar pertumbuhan dijangka melebihi 8%, malah ada pihak-pihak yang meramalkan ianya boleh melebihi 9%. Pertumbuhan ini telah mewujudkan banyak peluang pekerjaan. Tidak ada siapa yang dapat menafikan pertumbuhan pesat ekonomi Malaysia.

Kejayaan kita memulihkan ekonomi dikagumi oleh dunia luar sehinggakan badan-badan antarabangsa seperti Bank Dunia dan Tabung Matawang Antarabangsa (IMF) telah memuji Malaysia di atas kecekapannya menguruskan ekonomi dan kewangan negara.

Malaysia juga telah disifatkan oleh beberapa pemimpin dunia sebagai negara contoh paling baik untuk diteladani oleh negara membangun yang lain. Kejayaan Malaysia juga dikagumi oleh beberapa media antarabangsa yang pada satu ketika tidak

menaruh harapan langsung dengan masa depan ekonomi kita. Kata orang Inggeris, mereka telah pun mula menulis *obituary* mengenai negara kita.

Pada hari ini ekonomi negara bukan sahaja berkembang pesat, tetapi pelaburan asing telah mengalir masuk dengan banyak. Ini membuktikan keyakinan pelabur-pelabur asing terhadap kestabilan politik Malaysia di bawah pimpinan Dato' Seri Dr. Mahathir. Kemasukan pelaburan asing bukan sahaja membantu pertumbuhan ekonomi negara, tetapi juga berjaya mewujudkan banyak peluang pekerjaan sehinggakan ada pihak yang merasakan Malaysia kini hampir mencapai *full employment* atau gunatenaga penuh.

Kejayaan pucuk pemimpin menguruskan ekonomi negara juga dapat dilihat daripada kejayaan kita mengurangkan hutang luar negara. Di samping itu, simpanan luar negara juga telah bertambah kukuh. Pada hari ini jumlah simpanan luar negara adalah kira-kira \$22 ribu juta berbanding dengan \$9 ribu juta dalam tahun 1984. Ini adalah satu rekod yang harus dibanggakan.

Penswastaan juga merupakan satu lagi kejayaan negara. Pelaksanaan dasar ini telah memberi faedah kepada para pekerja, rakyat Malaysia dan Kerajaan. Syarikat-syarikat Kerajaan yang untung akan dijual kepada pihak swasta. Ini akan mengurangkan beban kewangan Kerajaan dan meningkatkan hasil. Dengan peningkatan hasil, lebih banyak wang akan dapat dibelanjakan untuk pembangunan.

Kerajaan juga telah berjaya mengurangkan pergantungan ekonomi negara kepada eksport

komoditi utama. Dengan mempelbagaikan kegiatan ekonomi, sektor pembuatan kini telah mengambil alih daripada sektor pertanian sebagai sektor utama dalam ekonomi negara dengan menyumbang kira-kira 27% kepada jumlah keluaran negara.

YAB Datuk Seri Dr. Mahathir berhasrat untuk menjadikan Malaysia sebagai sebuah negara perindustrian di mana Malaysia boleh memberi sumbangan bukan sahaja kepada kesejahteraan rayatnya sendiri, tetapi juga dunia. Untuk memenuhi matlamat ini kita perlu menarik pelaburan, melangkah ke dalam industri berat dan membuat perubahan struktur kepada ekonomi negara, supaya ekonomi negara lebih kuat dan mantap.

Jadi, jelaslah bahawa negara telah mencapai banyak kejayaan sejak tahun 1987. Banyak daripada tohmahan yang dibuat oleh pihak-pihak tertentu tidak berasas. Dasar-dasar yang dilaksanakan oleh Kerajaan adalah tepat dan berkesan. Hasilnya sedang dinikmati oleh rakyat Malaysia di seluruh negara.